



## PORTAVÓS VI GOVERN U KONSTITUSIONÁL



## KOMUNIKADU BA MEDIA

Díli, Loron 29 fulan-setembru tinan 2016

### **Governu apresenta relatóriu kona-ba Moris-kiak**

Governu apresenta ona relatóriu ida ho rezultadu sira ne'ebé relevante liu husi estudu kona-ba nivel moris nian iha Timor-Leste ne'ebé maka hala'o iha tinan 2014-2015. Relatóriu "Moris-kiak iha Timor-Leste iha tinan 2014", Diresaun-Jerál Estatística nian maka prepara, ho asisténsia téknika hosi Banku Mundiál, hateten katak Timor-Leste halo progresu hirak ne'ebé sinifikativu kona-ba hadi'a nivel moris nian hahú husi tinan 2007.

Rezumu ne'e fó-sai katak "iha liñanasionál moris-kiak nian, ne'ebé apresentakustu atu hetan nesesidade bázika sira hanesan ai-han, hela-fatin no sasán la'ós ai-han sira iha Timor-Leste, número timoroan nian ne'ebé moris iha kondisaun mukit nian tun husi prosentu 50,4 iha tinan 2007 ba valór ida ho estimasaun ba porsentu 41,8 iha tinan 2014.

Melloria prinsipál iha aspetu moris-kiak nian oin-oin mós, husi kedas tinan 2007, hatudu rezultadu di'ak. Entre tinan 2007 no 2014, número família sira ne'ebé la iha ligasaun ahi eletrisidade tun husi prosentu 64 ba prosentu 28, husi família sira ne'ebé iha pelumenus labarik ida ne'ebé mak la eskola tun husi porsentu 42 ba porsentu 17 no husi família sira ne'ebé iha pelumenus labarik ida ho idade tinan lima mai kraik ho moras encefalite tun husi porsentu 20 ba porsentu 7.

Husi uma hela-fatin sira iha melloria ne'ebé sinifikativu ho asesu ne'ebé boot liután ba bee moos no eletrisidade. Soin (pose) kona-ba sasán sira ne'ebé la'ós hanesan nesesidade bázika sa'e dezde tinan 2007, no persentajen husi populasau ne'ebé iha televizaun iha sa'e dala rua liu, husi sira ne'ebé iha motorizada sa'e dala-tolu liu no husi sira ne'ebé iha telemovel sa'e husi porsentu 12 ba porsentu 68.

Ministériu Finansas deklara katak estudu kona-ba nivel moris nian iha Timor-Leste, hala'o iha períodu fulan 12 nia laran, husi fulan-abril 2014 to'o fulan-abril 2015, no hanesan estudu ho kualidade aas liu ne'ebé maka dala balu hala'o ona iha Timor-Leste hala'o, ho amostrajen porsentu 30 aas liu ida uluk, tinan 2007 nian. Vise-Ministru Finansas nian, Hélder Lopes, fó hanoín hikas katak relatóriu "ne'e la'ós fin maibé inísiu husi ezersísiu ida atu esplora rikeza husi detalhe baze dados nian". Ida ne'e atu dehan katak sei iha serbisu análise nian barak liután, ne'ebé uza instrumentu estatístiku sira, hanesan Índise Pobreza Multidimensionál nian.

Portavós Governu nian, Ministru Estadu Agio Pereira, felisita ema hotu ne'ebé envolve iha estudu no relatóriu ne'e. Nia dehan sai katak "imajen ne'ebé ita haree iha relatóriu ne'e fó aten-barani mai ita no ita-nia progresu sira ne'e ita tenke celebra. Importante mós atu rekoñese katak nivel moris-kiak nian iha comunidade sira nia leet sei aas hela no, tanba ne'e, ita sei iha serbisu barak ba oin. Rezultadu di'ak sira



**Agio Pereira**

+670 7723 0011

[agio.pereira@cdm.gov.tl](mailto:agio.pereira@cdm.gov.tl)

[govtlmedia@gmail.com](mailto:govtlmedia@gmail.com)

[www.timor-leste.gov.tl](http://www.timor-leste.gov.tl)

ne'ebé fó-saia ona iha relatóriu ne'e fó iis-kbiit mai ita hodi kontinua ho vigór liután, atubele hetan lalais liután rezultadu ne'ebé di'ak liu iha tinan hirak oin-mai". **REMATA**

